

consensi, & subscripsi.] At hunc non tantum Metropolitam, sed etiam Vicarium sanctæ Sedis fuisse per Hispaniæ partem euidenter declarat Epistola Hormisdæ ad Ioannem Tarraconensem, qua illi vices suas committit:

^a Hormisdæ ep. 14.
ad Ioann. Tarrac.

[Quia, inquit, per insinuationem dilectionis tuæ huius nobis est viæ patefacta prouidentia, remuneramus sollicitudinem tuam, & seruatis priuilegijs Metropolitanorum, vices vobis Apostolicæ sedis eatenus delegamus, vt inspectis istis, siue ea quæ ad Canones pertinent, siue ea quæ à nobis sunt nuper mandata, seruentur, siue ea quæ de Ecclesiasticis causis tuæ reuelationi cōtigerint, sub sua nobis insinuatione pandantur. Erit hoc studij ac sollicitudinis tuæ, vt talem te in his quæ iniunguntur, exhibeas, vt fidem integritatemque eius, cuius curam suscipis, imiteris.]

Addam & Lucum Augusti alteram Galleciæ Metropolim factam fuisse Sueuorum tempore. Est Lucus Augusti vrbs Galleciæ adeo celebris, octodecim leucis à Cōpostella distans Mindonem versus, ab Alfonso Rege victis Mauris anno salutis septingentesimo quinquagesimo tertio recuperata, iamq; vna ex Suffraganeis Archiepiscopi Compostellani. Quomodo autē honorem Metropolis adepta sit clarè describitur in Concilio^b apud eā habito sub Theodomiro principe, ad cuius instantiā illi concessus est. Huius verba sunt. [Tempore Sueuorum sub æra sexcentesima septima, die Kalendarum Ianuarij, Theodomirus Princeps idem Sueuorum, Concilium in ciuitate Luco fieri præcepit, ad confirmandam fidem Catholicam, vel pro diuersis Ecclesiæ causis. Postquam peregerunt quicquid se Concilio ingerebat, direxit idem Rex Epistolam suam ad Episcopos, qui ibidem erant congregati, continentem hæc. Cupio, sanctissimi Patres, vt prouida vtilitate decernatis in Prouincia regni nostri, quia in tota Gallecia regione, spatio-sæ satis dioceses à paucis Episcopis tenentur; ita vt aliquantæ Ecclesiæ per singulos annos vix possint à suo Episcopo visitari, insuper tantæ Prouinciæ vnus tantummodo Metropolitanus Episcopus est, & de extremis quibusque Parochijs longum est singulis annis ad Concilium conuenire. Dum hanc Epistolam Episcopi legerunt, elegerunt in Synodo, vt Sedes Lucensis esset Metropolitana, sicut & Bracara: quia ibi erat terminus de confinitimis Episcopis, & ad ipsum locū Lucensem grandis semper erat coniunctio Sueuorum: etiam in ipso Concilio alias Sedes elegerunt, vbi Episcopi ordinarentur. Sicque post hæc pro vnaquaque Cathedra dioceses & parochias diuiserunt: ne inter Episcopos contentio aliquatenus fieret.] Verba ita perspicua sunt, vt his alias probationes addere planè superfluum esset.

XI.
LVCVS AVGVSTI
ALTERA METRO-
POLIS GALLECIÆ

^b Acta Concil. Lucensis sub Theodomiro.

Sed & Narbonensem Prouinciam inter Hispanas dicendum est numerari cœpisse ab eo tempore, quo sub Gothorum dominatione fuit. Quin prius Arelatenſi Archiepiscopo subiecta esset nemini dubiū esse potest, cum huic soli ordinationes Episcoporum Narbonensis primæ & secundæ sicut & Viennensis Zosimus Papa^c disertis verbis in Epistola ad Episcopos Galliæ concedat. [Iussimus, inquit, præcipuam sicuti semper habuit Metropolitanus Episcopus Arelatensium ciuitatis in ordinandis Sacerdotibus teneat authoritatem. Viennensem, Narbonensem primam, & Narbonensem secundam prouincias ad Pontificium suum reuocet. Quisquis verò posthac contra Apostolicæ Sedis statuta & præcepta maiorum, omisso Metropolitanus Episcopo, in Prouincijs supra dictis quemquam ordinare præsumpse-

XII.
NARBONENSIS
PROVINCIA GOTHORVM
TEMPORE INTER HISPANAS
CIVILES FUIT
^c Zosimus epist. 5.
ad Episc. Galliar.